



ՀԱՍՐԱԹՅԱՆ
ՄԻՆԱՍՅԱՆ
ՀԻՄՆԱԴՐԱՄ



Bookmark

ԼՈՍԻՑ ԵԿՈՂ ԿՄ՞

Bookmark

Միհրան Գալստյան, Նարե Գալստյան

ԼՈՍԻՑ ԵԿՈՂ ԿԱՐ

Հայրենադարձման խնդիրներն ու հնարավորությունները
Լոս Անջելեսի հայկական համայնքում

BOOKMAG



ԵՐԵՎԱՆ
2023

ՀՏԴ 314/316

ԳՄԴ 60.5

Գ 206

Միհրան Գալստյան, Նարե Գալստյան
Գ 206 Լոսից եկող կամ: Հայրենադարձման խնդիրներն ու
հնարավորությունները Լոս Անջելեսի հայկական համայնքում /
Մ. Գալստյան, Ն. Գալստյան.- Եր.: Newmag, 2023.- 272 էջ:

ՀՀ-ում նորից կապրի՞ առնվազն 3.5 միլիոն մարդ: Բնակչության արտահոսքը՝ աշխատանքային, սոցիալական, կրթական այլ տիպի միգրացիան, որը հաճախ բնորոշվում է որպես արտագաղթ, անխուսափելի գործընթաց է: Հանրապետության բնակչության բնական աճն էլ դանդաղում է տնտեսական ու քաղաքական ճգնաժամերի, պատերազմի պատճառով: Լուծումը ներգաղթն է, լավագույն տարբերակը՝ հայրենադարձությունը: Հնարավոր է հայերի զանգվածային վերադարձ Հայաստան, ինչպես դա մի քանի անգամ եղավ 20-րդ դարում:

Սոցիոլոգներ Միհրան և Նարե Գալստյաններն ուսումնասիրել են վերջին տասնամյակների մի բարդագույն խնդիր և փորձել պատասխանել մի կարևոր հարցի՝ հայկական սիյուռքի ամենամեծ համայնքներից մեկի՝ Լոս Անջելեսի (Կալիֆոռնիա, ԱՄՆ) և դրա արվարձանների ամերիկահայերը մշտական բնակության համար կգա՞ն Հայաստան ու ի՞նչ պայմաններով:

Արվել է համապարփակ սոցիոլոգիտական հետազոտություն, գիտնականները զրուցել են հենց լոսանջելեսահայերի հետ, հարցումները շարունակել տարբեր երկրներից Հայաստան ներգաղթածների շրջանում, քննության առել հայրենադարձության բոլոր շերտերը՝ օրենսդրականից մինչև կառավարչական, և ներկայացրել իրենց եզրահանգումն ու գործնական առաջարկները:

Գիրքը տպագրության է երաշխավորել ՀՀ ԳԱԱ հնագիտության և ազգագրության ինստիտուտի գիտխորհուրդը:


ՀՏԴ 314/316

ԳՄԴ 60.5

ISBN 978-9939-884-99-8

Միհրան Գալստյան, Նարե Գալստյան «Լոսից եկող կամ» © 2023, «Նյու Մեգ» ՍՊԸ

Այս գրքի հայերեն հրատարակության բոլոր իրավունքները պատկանում են «Նյու Մեգ» ՍՊԸ-ին և «Հասարակության-Մինասյան» հիմնադրամին:



ՀԱՍՐԱԹՅԱՆ
ՄԻՆԱՍՅԱՆ
ՀԻՄՆԱԴՐԱՄ

Գիրքը հրատարակվել է «Հասարթյան-Մինասյան» հիմնադրամի «Վերաիմաստավորելով 20-րդ դարի հայոց պատմությունը» պատմագիտական դրամաշնորհով:

«Հասարթյան-Մինասյան» հիմնադրամը ստեղծվել է 2018 թվականի փետրվարին՝ անվանի ճարտարապետ, պետական և հասարակական գործիչ Գրիգոր Հասարթյանի և անվանի գիտնական, քաղաքագետ, պետական գործիչ Միքայել Մինասյանի հիշատակին:

Հիմնադրամի «Մինասյան» մատենաշարն աջակցում է պատմագիտական, հետազոտական նախագծերին, որոնք հնարավորություն են տալիս վերաիմաստավորել 20-րդ դարի Հայաստանի պատմությունը:

Բովանդակություն

Ներածություն	11
Գլուխ առաջին Ինչ է սփյուռքը.....	17
Գլուխ երկրորդ Հայրենադարձության միջազգային փորձը ...	45
Գլուխ երրորդ Հայրենադարձության Հայաստանի փորձը...	75
Գլուխ չորրորդ Լուսանջելեսահայերը	117
Գլուխ հինգերորդ Հայրենադարձության «վանող» և «ձգող» գործոնները	167
Եզրակացություն	207
Ինչպես է ստեղծվել գիրքը	217
Հավելված 1	223
Հավելված 2	233
Գրականության ցանկ	236
Լուսանկարների հեղինակներ	253
Ծանոթագրություններ	255

Ներածություն

Դեմոգրաֆիան այսօր որոշում է ամեն ինչ, ձևավորում է սպառողական շուկաներ, ընտրական ձայներ, նոր ռեգիոններ ու նույնիսկ երկրներ: Եթե ձերոնք շատ են, չեն կարող հաշվի չնստել քեզ հետ: Այդ առումով Հայաստանը դեմոգրաֆիական աղետի մեջ է. մեր երկրի բնակչությունը վերջին 30 տարում միայն պակասում է: Դրա պատճառները տարբեր են՝ պատերազմ ու համավարակ, բնակչության ծերացում, ծնելիության անկում և արտագաղթ:

Վիճակը շտկելու ամենակարճ ուղին ներգաղթն է: 20-րդ դարում սփյուռքահայերի ներգաղթի մի քանի ալիքներն էականորեն փոխեցին Խորհրդային Հայաստանի դեմոգրաֆիական պատկերը և երկրի դեմքը: Հենց այդ փորձին են շատերն այսօր հղում անում՝ խոսելով ներգաղթի մասին:

Այսօր հնարավոր է ներգաղթ: Դա մշակված նպատակ է, թե՛ ուղղակի ցանկություն, որը ժամանակ առ ժամանակ հնչում է տարբեր հարթակներից, ինչպես ժամանակին խոսում էին երկիրը ծիրանով ու հանքային ջրերով պահելու մասին:

Այս գիրքը պատասխանում է ընդամենը մեկ հարցի՝ հնարավոր է ներգաղթ Լոս Անջելեսից: Նրանք, ովքեր գնացին ամերիկյան երազանքի հետևից, պատրաստ են իրենց երազանքը շարունակել հայրենիքում:

Սփյուռք ունեցող երկրների մի մասը հայրենադարձության քաղաքականությունը կառուցում է այնպես, որ շահավետ լինի և՛ վերադարձողի, և՛ երկրի համար: Երկրների մի մասն

Էլ ներգաղթը չի դիտարկում որպես մշտական գործոն և սփյուռքի ներուժն օգտագործում է ժամանակավոր ծրագրերի համար:

Հայրենադարձության վերաբերյալ Հայաստանի պատմական և ժամանակակից քաղաքականության հիմքում էթնիկ հայերի վերադարձի խնդիրն է, որը քաղաքական, սոցիալ-տնտեսական, ժողովրդագրական և ազգային անվտանգության առումով համարվել է երկրի հզորացմանը նպաստող գործոն:

Սփյուռքն էլ Հայաստանը դիտարկում է որպես մշտական վերադարձի երկիր, թեև խնդրահարույց հարցերը շատ են.

- սփյուռքի ինքնությունը փոխվել է,
- սփյուռքի պատմական հայրենիքը և դրա մի մասում ստեղծված պետությունը նոյնն են,
- Հայաստանը սփյուռքի ինքնության ձևավորման հիմքն է,
- Հայաստանը ո՞ր խմբերի համար հայրենիք չէ:

Միջազգային փորձը ցույց է տալիս, որ հայրենադարձության վերաբերյալ ուսումնասիրություններում հաշվի չեն առնում, որ սփյուռքը հետերոգեն չէ: Հայկականում էլ համակողմանի ուսումնասիրված չէ սփյուռքի համար «հայրենիք» դառնալու և, ի վերջո, ներգաղթ կազմակերպելու գործում Հայաստանի ներուժը:

Այս գրքում քննարկվում է հայրենադարձության խնդիրը՝ հաշվի առնելով, որ այսօր մեր սփյուռքը միատարր չէ: Այդ պատճառով հնարավոր վերադարձողների խնդիրները վերլուծել ենք՝ հաշվի առնելով ավանդական և ժամանակակից

սփյուռք հասկացությունները, նրանց ենթաէթնիկ ու սեռատարիքային կազմը, անհատների բազմամշակութայնության ու բազմինքնության հանգամանքները:

Լոս Անջելեսն ընտրել ենք, քանի որ հայկական սփյուռքի ամենամեծ համայնքն է: Այն կարծես հայկական սփյուռքի միկրոմոդելն է: Այնտեղ հաստատված հայերի միգրացիոն խմբերը տարբեր են ըստ ծագման երկրների և բնակության ժամկետների: Այդ հայերի ենթաէթնիկ խմբերը բազմազան են նաև լեզվով, սովորույթներով, կենցաղամշակութային և կրոնական վարքագծով: Լոս Անջելեսում են, ավանդական սփյուռքը և նորը, այնտեղ են ապրում ԱՄՆ-ում ծնված երրորդ, չորրորդ սերնդի ամերիկահայերը: Այդ ամենը հնարավորություն է տալիս Լոս Անջելեսի օրինակի ուսումնասիրությամբ բացահայտել սփյուռքյան իրողությունների բազմազանությունը և հայրենադարձության խնդրում նրանց դիրքորոշումները:

Հետազոտությունը հիմնականում ուղղված է Լոս Անջելեսի հայության շրջանում խնդիրները և հնարավորությունները բացահայտելուն, թեև փորձագետների և հայրենադարձների առավել լայն շրջանակ է ընտրվել: Փորձագետները կարծիք են հայտնել ոչ միայն լոսանջելեսահայության, այլև ընդհանուր սփյուռքի վերաբերյալ: Այս մոտեցումը հնարավորություն է տվել ապահովել կարծիքների բազմազանություն ոչ միայն Լոս Անջելեսի համայնքի, այլև ամբողջ սփյուռքի վերաբերյալ, ընդլայնվել են համեմատական շրջանակները: Հայաստանում հարցազրույցները չեն սահմանափակվել միայն ամերիկահայերով, ընդգրկվել են տարբեր երկրներից տեղափոխված հայեր: Այդ մոտեցմամբ փորձել ենք բացահայտել

Հայաստան ներգաղթած հայրենադարձների տարբեր խմբերի ընդհանուր և առանձին խնդիրները:

Այս ուսումնասիրությամբ ներկայացնում ենք հայրենադարձության միջազգային և հայկական փորձի, սփյուռքի ինքնության բազմաշերտության, ներգաղթի «վանող» և «ձգող» պայմանների համակողմանի վերլուծությունը, եզրակացությունը և առաջարկները: Մեր նպատակն է հայրենադարձություն երևոյթն ուսումնասիրել հայկական սփյուռքում տեղի ունեցող սոցիալ-մշակութային գործընթացների համատեքստում և նոր մոտեցումներ ու առաջարկներ ուրվագծել այդ հիմնախնդրի վերաբերյալ:

Հետազոտման գլխավոր հարցն է՝ ինչո՞վ է պայմանավորված հայրենադարձությունը, ի՞նչ գործոններ են նպաստում դրան և խոչընդոտում:

Հետազոտության ժամանակ ուսումնասիրվել է հայրենադարձության երկու տիպի խնդիր.

Առաջին. Հայաստանի խնդիրները

- քաղաքական և սոցիալ-տնտեսական վիճակի ազդեցությունը հայրենադարձության վրա,
- մշակութային գործոնը և ադապտացիան,
- օրենսդրական դաշտի բացերը,
- ինստիտուցիոնալ կառույցների գործունեությունը,
- հայրենադարձների խնդիրները:

Երկրորդ. Սփյուռքի խնդիրները

- Հայրենադարձության մոտիվները դասական և նոր սփյուռքի սերունդների ու տարբեր ենթաէթնիկ խմբերի շրջանում,
- սփյուռքում նոր սոցիալ-մշակութային գործընթացների (բազմալեզվություն, բազմամշակութայնություն և այլն) կապը հայրենադարձության հետ,
- ինքնության մասին պատկերացումները,
- հայրենիք-պետություն մոտեցումները սփյուռքի սերունդների և ենթաէթնիկ խմբերի շրջանում:

Այս հետազոտությամբ և այս գրքով կփորձենք պատասխանել հետևյալ հարցին. ԱՄՆ Կալիֆոռնիա նահանգի Լոս Անջելեսի հայերից ովքեր և ո՞ր դեպքում կվերադառնան կամ կգան Հայաստան՝ ապրելու: Այս միկրոպատասխանը հնարավոր կլինի կիրառել նաև մակրոմակարդակում: Եվ կփորձենք ոչ թե ցանկություններից դրդված կամ անցյալի փորձով, այլ գիտական մակարդակով պատասխանել մի կարևոր հարցի՝ մենք կարո՞ղ ենք հույս դնել ներգաղթի վրա, որպես դեմոգրաֆիան շտկելու միջոցի, թե՞ ոչ: